



(Anonyme)

**LA SOUCISSOUNADO
DE
TARASCOUN ET D'ARLE.
POUEMO GASTRONOMIQUE
EIS MARSILHES.**

Marseille – Imp. Carnaud

Pusque la pouésio à tout sujet si presto,
Qu'un troubaire exerça pouu grimpa sur la crestò
De l'illustre roucas surnouma l'Helicoun,
Canti leis Sooucissots que fan à Tarascoun!
Fino charcutarié, sublimo, incoumparablo,
Que d'uno boueno taoulo aro es inséparablo,
D'après leis couneissurs que fan aoutourita;
Et douni en qu de dret l'élogi mérita.
Leis rude alexandrins que traci eme couragi
Sabi que m'adurran uno pluejo d'outragi;
De rivaous orguillous faran de fué deis peds
Et creidaran ben fouar que manqui de respects
A sa réputatien antiquo et colossalo;
Counfoundran mon escrit eme l'orduro salo,
Et doou pouème entier, davan seis grands café,
Bessai que n'en faran un large auto-da-fé.
Puis bandiran ouu vent ver lou pourtaou de Laouro

Leis cendre encaro caouds de ma brouchuro paouro,
Dins l'espoir maoufatan qu'un coou de revoulun
Leis embandisse luen ouu found de seis palun.
Es un pichoun malhur! L'insulto et la menaço
An rendu ben souvent un escrivan tenaço.
S'es vis qu'un libre ooubcur, doou jour ouu lendeman,
Quaouquofes l'éditien es din touti leis man.
Avant d'entamena ma pouétiquo curso,
Voudrieou ben remounta cependan vers la sourço
Deis premiers Sooucissots qu'en Prouvenço s'es fa;
Meis impatientes lectours n'en seran satifa.
Un gros fasur d'esprit, en Arle, s'imagino
Que degun pouu counouisse à found soun ourigino.
A prepaou de la dato, eis discussiens, sousten
Que l'époquo si perde eis nuechs soumbros deis tem.
Un aoutre, fouesso expert en scienco archéologuo,
Conto uno falibourdo à pouu près analoguo;
Mais coumo cito ren d'exact ni de précis,
Fa que leis jugeaments soun encaro indécis.
Si fa d'aoutreis versiens ben mens accreditados,
Davan d'homme entendus, ben que soun agitados,
Sieou casimen segu que n'an ren de verai.
Coumo mi v'an counta, pamen va countarai.
Anessia pas n'en rire en haoussan leis espalo!

Pretendoun qu'un tyran nouma Sardanapalo,
Qu'a fa Dieou de soun ventre un pouu mai qu'à soun tour
A degu, l'a long-temps, n'en estre l'inventour,
Vo ben Apecius, lou raffinur de saouço.
De taleis citatiens es prouva que soun faoussou;
Soun que de blaguo en l'air debitado à l'hasard,
Car n'en es pas questien dedin Julio-César.
Pouedoun ben leis data meme avant lou délugi;
Ges de countradictours li cerquaran grabugi.
Lou countaire à bagout sera pas mai crésu
Qu'un aoutre que prétend qu'anciennament Jésus,
Alors qu'ouu populo fasié tounba la mano,
N'en dounavo eis Apôtro un pareou per semana,
Et l'ajustavo, afin de leis mies louangea,
Qu'eis noueço de Cana la novi n'en mangea.
Ai fuilleta la Biblo et leis chroniquo ancienno
Et d'ouvragi sourti dei cabesso arlésienno;
Car, f'ouu lou recounonisse, an d'escrivan proufound
Que su de vieis sujets an sachu cava found.
En liegen Ruffi, Clerc, Jacquemin, Gustin Fabre,
Dins l'aiguo n'ai manda ren que de coou de sabre;
Rabelais, Estrangin, Mériméo, Papoun,
Santo-Beuvo, Anibert, Méry (Louis), Guindoun,
Barthazard, Lalauzièro et défun Noudier (Charle),
Touteis douge soun muds su leis sooucissots d'Arle.

De meme ai repassa, quand mi metieou en trin,
Leis Trata de Carèmo et Briat-Savarin,
Lou Parfet Cousinier, libre extraordinari,
Et tout ce qu'avié trait oou bel art culinari,
N'ai pas ren destarra doou sujet en questien.
Deis ooutours qu'ai cita degun n'a fa mentien.

Cependant, se foou creire un érudit coustique,
Eou prétende avé vis, dins un bouquin antique,
Que d'un Evesque d'Aix, lou saven cousinié,
Crano perfectiounur d'anducho et de beignié,
Un beou jour, oou travail, gravé dins sa cervello
D'inventa per la taoulo uno cavo nouvello,
Et, coumo n'ero pas dins leis brayo d'un sot,
Es eou que lou premier fagué de sooucissot.
Prend de viando de pouar et de buou ben chaplado,
Puis de lard carrela, n'en fa la marmelado;
Assesouno lou tout cougna dins un bouyeou,
Estrangla deis doues bouts eme mié pan de fieou,
L'estubo et lendeman dins un chambroun lou pengeo;
Enfin talament ben soun genio l'arrangeo,
Que quououqueis mes après, un benhurous prélat,
Pousque counta de mai sur sa taoulo un bouen plat.
Pitanço succulento, esquiso et senso égalo,
Oou Papo de soun tem, dins la memo intervallo,
Vougué faire tasta lou met appétissen.
LOU BAILE DEIS CHRESTIANS, juste et recouneissent,
En retour l'accordé la vasto résidenço
Doou diocése d'Arle et de seis dépendenço.
S'eis inventours alors dounessoun un brevé,
L'émulo de Vatel risquavo de l'avé;
Car gagné deis grouman touto la sympathio:
Si parlavo que d'euo jusqu'à la sacristio.
Jalous de soun talent, d'ambitious charcutié
L'agueroun leou voula lou secret doou mestié.
L'an n'éro pas fini que seis premiers ouvragi
Sigueroun recerca per leis grands eme ragi.
Leis artisan coussu, leis couvent, leis bourges,
Eis planchie suspendu n'en leisseroun pas ges;
Surtout dins la sesoun que soun parfum vous charmo,
Que souto lou couteou plouroun à caoudei larmo.
Leis escrivans d'alors, en proso coumo en vers,
N'en feroun millo annouço oou bout de l'univers.
Leis gastronomo, ami de touto boueno chiero,
Durberoun d'uils tant grands que de pouarto couchiero.
Et senso espécula de ports exhorbitants,
Si n'en feroun mando per d'actifs coumettants.
D'aoutre, per oougmenta l'espèço de pillagi,
En Arle tout exprès vengueroun faire un viagi.
Tamben leis fabricants, nuech et jour tourmenta,

Poudien pas n'en teni per touteis countenta;
N'éroun pas dins lou cas de pousqué satisfaire.
Mais Tarascoun alors coumencé de n'en faire.
Nîmes, Saloun, Beoucaire, Avignoun, San-Roumié,
Aix, Cavailloun, Beziers, siguéroun deis premié
A n'ensaca tamben de pacoutillo énorme,
Proun agreable ouo gous et de la meme formo.
Moougra que d'aqueou temps s'en fasié de partout,
Arle continué de teni lou haout bout;
Ben que sa marchandiso ero pouu succulento,
Poussedavo lou doun d'estre villo oupulentto,
Dins lou temps que lougeavo un illustre emperour,
Dien que seis sooucissots partout fasién furour:
Médiocre vo goustous passavoun per moudèlo.
Boulogno alors lancé seis grossoourtadello.
Cade pays enfin cerqué de s'ingina.
Lyen resté pas court: ané s'imagina
De faire encaro mies que nouestre vesinagi;
Assagé per début leis groussiers de meinagi,
Melangi matériaou per lou found doou toupin,
Salagi pegouious en formo d'estoupin,
En tout temps resserca per leis gens de marino.
Tallament sooupiqua que brulo la peitrino.
Fouu que bouyoun longtemps per pas leis mangea crus;
Vhui n'en fan de plus fin, mais sec coumo de brus.
Dins un large mortié metoun uno trouyado
De car ben espooutido en tout sens mastrouyado,
Ouo mouyen d'un gros lard choousi pas doou plus lai,
Fan, em' un long bouyeou un sooucissot que plai.
Graço ouo parfum piquant deis planto aromatiqueo,
Si soun approupria de noumbrouso pratiqueo:
Mais counouissoun déjà, dins leis plus grand endré,
Que n'avien vis doou drap qu'un pichoun liséré.
Courrigeoun chasque jour, coumo es facile à creire,
Pamen leis viei défaou si lassoun toujours veire;
Dins la bouco an toujours quouocaren de fangous.
Se per lou taffeta n'avien pas mai de gous,
Seis richo nouveouta que brillaran à Loundré,
Luen de leis expousa leis pourrien ben escoundré,
Vhui la plus qu'un pays que n'en fa d'accompli:
Sa voguo chasque jour fa que creisse, embelli.
Contro aquello évidenço, Arle a beou si débattre:
Soun déclin évident pouu gaire si combattre.
Seis sooucissot famous tant de siecle prouna,
Tarascoun, l'a long-temps, que leis a destrouna.
Es un prex rempourta senso ges d'anicrocho.
Vhui, l'a plus qu'un pays que doou parfè s'approcho,
Nîmes, villo doou Gard, compto de fabricants
Habille, intelligents et tout-à-fé marquants.
Soun art d'assesouna si trouvo ges d'ouvayo:

Oou degré parvendra; car aqui si travayo
 De maniero à pousqué si passa de liçoun:
 Toteis seis bouens fasur souartoun de Tarascoun;
 Et l'antiquo cita que vhui si despoutento
 S'ero en aqueou niveou s'estimarié countento.
 Sieou ben luen cependant de li vougué ravi
 De plus rare trésors doun Dieou leis a prouvi.
 Oou cas mounté meis vers li dounarien la rèno,
 Li devi rappela seis superbos Arèno,
 Un viei thiatre romain, sublimo antiquita,
 Qu'en vian sa ruino oou soou la voudrias plus quitta
 Lou ciel leis a douta de vasto proumenados,
 Mounte d'aimablo chato, en troupeou samenados,
 Attiroun l'attentien deis amateurs présen,
 Tant soun air es gracios, doucile et coumplésen,
 Que venguoun de l'Oouturo o ben de la Rouquette,
 Ren qu'un de seis regard vous fan faire bouquette;
 Puis seis fichu nousa su seis couiffo de nué
 Vous embrasoun lou couar coumo un carboun de fué.
 Qu soou pas qu'à Raphelo an d'excellen fourragi,
 Et dins la pleno Craou d'utile paturagi;
 Un vin irréprouchable et de gras fromageoun;
 Ooubliden pas ni mai l'estang doou Galegeoun,
 Posto deis bracouniers, qu'en hiver, plen de ruso,
 Ensuquoun becassoun, canardayo et macruso,
 Li countestaren pas leis pichoun boudinet,
 Ni leis buou negre ardent que lèvoun lou ped net,
 Ni leis chivaou neissu d'uno blanquo cavalo,
 Dooun l'espèço croisado a gaire de rivalo.
 D'un coumode rail-way poussedoun leis chantier:
 Foundur, mecanicien, fourgeiroun, charpentier.

Graço en de subventien ooutengudo en grand noumbre,
 Van ben leou destarra d'ouujet d'art en decoumbre.
 L'an fa de camin noous, desseca de fangas;
 Puis soun favourisa d'un escleragi oou gas.
 An jusquo un beou haras plen d'étaloun de raço,
 Enca soun pas countent! — Brave Arlésiens, de graço,
 Trates plus Tarascoun coumo un mooutoun galous,
 Et de seis fin prouduit n'en sigues plus jalous;
 Mette-vous dins la testo et cerca de coumprendre
 Qu'à la justo évidenço es l'houro de si rendre.
 Vouestro estello palisse et l'a déjà long-temps,
 Un prouverbi va dit: Aoutreis mœurs, aoutre temps.
 L'immourtel BERANGER, cantaire inimitable,
 Dins un de seis couplets, plen d'un sens véritable,
 Diguet oou despoutisme un poou troou exigeant:
 Paoureis gens, leis destin et leis flot soun changeant.
 Aquelo vérita que la resoun expliquo,
 Es principalement en Arle que s'appliquo.

Tout en fasen la part de seis beous souveni,
Li diren que leis mouarts pouedoun plus reveni.
Leis réclamo qu'an fa, meme à pertò de visto,
Seis ourgano loucaou coumo seis archivisto,
Doun lou style parfèt es partout vénéra,
Leis a pas garanti d'avé dégénéra.
Soun antique vernis s'escarfo coumo un sounge,
N'en desplaise eis escrits signa Julos Canounge.
L'a long-temps que fan plus de sooucissot parfèt;
Se gardo lou renoum, Tarascoun a lou fet.
N'en dounarai, si foou, la provo counvainquato:
Leis noumbrous vourageour et n'a mai de cinquato,
Se leis consultavian, nous dirien, oou besoun,
Senso si fa prega, que meis vers an resoun,
Et que n'an pas voula, segur, aqueou reprochi.
Hurousamen qu'existo uno villo tout prochi,
Mountè l'a, coumo dien, figuo d'aoutre panier,
Servoun de sooucissot digne doou cousinier.
Aqui leis qualita franquo doou mendre vici,
Per amoula leis den devançoun lou servici.
Fouesso gens doou barreou doun vous flatta lou mai,
Quand venoun pleidegea, si n'en privoun jamai.
D'Arle ooussi, counouissen de gros proupiétari,
Homme en plaço, bourgeois, noble, avocat, notari,
Que, se fan à Paris un envoi d'amitié,
Fan pas l'acquisitien chez vouestrei charcutié.
Doou printem à l'estieou, tan coumo si n'en croumpo,
Prenoun toujours mounté l'ensigno jamai troumpo.
Pamen oou grand villagi, aqui coumpta d'ami;
Per vous vanta, la presso a proun de fes gemi.
Lou Bazar Prouvençaou per vaoutrei fa l'article;
Et degun n'a besoun de mettre de besicle
Per liegi lou pays qu'indiquo l'entrepau
Sur lou placard en l'er quilla ben à prepaou.
Eh ben! si vous disian qu'Aymès amai ben d'aoutré,
Tan coumo an de debit, prenoun jamai chez vaoutre;
Que si consultavian leis marchand parisiens
Nous dirien: — Fen pas ges d'emplèto eis arlesiens
Et Taracoun soulet qu'ooutent nouestreis coumando,
Et pas coumo voudrian, encaro nous n'en mando;
Per douna d'ordre aqui restan pas en arrié;
Temben l'accelera, lei vapours, lou courrié,
Nous n'en carreeoun proun à l'époquo deis masquos
En carêmo, et surtout eis enviroons de pasquos. ”

Pui d'amatours sortent deis bals de l'Opéra,
Dins leis beous restourants sarian désespéra
Sé vesien pas su taoulo aqueou pur coumestible:
Jusqu'ou pouin que la peou de soun ventre li tible.
N'avaloun que noun sai d'un appetit pressant,

Tant nouestreis sooucissots an un attrait puissant.
La Looureto n'es fouelo, eila si n'en passiuono:
Demandas a Vefour mounté s'aprouvisiouno;
Soun couleguo Véry et lou famous Chevé
S'estimoun ben hurous dé poudé n'en avé.
Et l'establissement doou buen Bueou à la modo
Un envoi deis plus gros rarament l'incoumodo.
Si n'en chaplo tamben eis Frèros Prouvençaou;
Seis saloun élégant leis prenoun à l'assaou,
Et seis counsoumatours, jugen su l'apparenço,
Deis mediocre et deis fins n'en fan la différenço
Leis grands estaminets dessus leis boulevard
Et d'autre endré publics n'en soun ti galavar.
La Doourado Maisoun, Mobile ou Casteou rouge,
Lou Grand Jardin d'Hiver leis chabissouns per douge.
Demanda dins Marsillo eis anans et venens
Sé n'en croumpoun aillurs que deis tarascounens,
Et sé deis artisans, jusquei plus haouto classo,
De n'en mangea de longuo, aqui quaouqu'un s'alasso.
Interrougea, veires, tant d'ouo gous soun charma,
Se chascun lei pren pas émé leis uils ferma;
S'ouoblidoun de n'avé lou diminché eis bastidos,
Et se quaouqu'un n'en manquo eis plus bellos partidos.
Counsulata, sé voulé, leis premiers numéros
Deis etablissements fréquenta per leis gros:
L'hôtel dou Luxembourg, aqueou deis Colonio,
Mounté l'art de couina gouvis tant de génio,
Deis chefs estimula per leis uils doou patroun
Toutei dous respoundran que n'en chapoutoun proun.
A l'Hôtel d'Orient, basti su doues intrado,
Russo, et Milord Angles n'en fan fi de ventrado?
Et su la Canebièro aqueou deis Empérour,
Eis houros dei repas li fan toujours furour;
Se l'Hôtel de Prouvenço a pres de renoumado,
La duou qu'a la savour de sei trancho embaimado;
Tout coumo aqueou d'Europo et deis Ambassadeour,
En l'intran sia ravi de sa parfeto ooudour.
Leis dous fraires Rigaud, voueloun coueste que coueste,
N'en servi chaque jour sur sa grand taoule d'hoste.
Eis Bains de Mar d'Estieni, ouo Casteou Vert surtout,
Oou debut d'un festin n'en goumo de partout.
Demandas à Roubioun qu'à la Réservo trôno,
Se deis double bouyeou, doun tout lou mounde prôno
Din seis pavilloun fres, planta sus lei roucas,
Leis apréciatour fan pas lou plu grand cas.
Et doues bello guingueto establido hors barrièro,
Per si n'en proucura restoun pas en arrièro;
Si soun toujours piqua de leis servi parfé,
Coumo fan counstamment sept à hiué grand café.
Et leis gros négouciant que fan de pacoutillos,

Per Mountevideo, lou Brésil, leis Antillos,
San-Francisco, l'Espagno et leis Ilos Bourbon,
N'embarquoun leis tres quart vengu de Tarascoun.
Et leis noumbrous couloun establi din l'Afriquo,
N'en jamai fa d'achat de touto aoutro fabriquo.
A peno coumençan d'aganta la sésoun,
L'Algerio afamado a toujours de besoun.
Leis vapour de Bazin li levoun la fringalo;
Nouesto armado eila-bas tanben si n'en regalo.
Leis generaous Budgeaud, Tartas et Changarnier
Doou temps que si battien n'eroun pas deis darnier,
Per si n'en counfourta d'uno den carnassière,
En noblo coumpagnié d'ouo fier Lamoricière.
Et trento coou lou mes lou brave Cavaignac
N'a fa seis cooulet gras à l'aoubo d'un bivouac.
Touto la colonio en masso n'es friando;
L'arabe, en qu sa lei defende aquelo viando,
Bravo jusqu'en public l'absurde Mahomet,
Si trufo doou Coran en favour d'aqueou met.
Nous an jusqu'àfourti qu'ouo viei Casteou d'Amboiso,
S'Abd-el-Kader a pres uno facho grivoiso,
Et se de sa prisoun suportò la rigoour,
Es graço ouo souçissot que manten sa vigour,
Si n'en cafi lou piés senso avé la couliquo.
Ah! se lou président de nouestro Républiquo,
Lou nebout doou grand home illustra d'un beou noum,
Eou que per fes distinguo un ooubjet de renoum,
Passesse sei revuo, aro, d'aquesto époquo,
La troupo oourié crida: Vivat! boueno mistoquo!
Si n'en sarié dounado en fen seis gros galas;
Oou lue d'avé mangea dé fade cervelas,
Groussièro flourantino, affrouso pastissaillo,
Boueno que per fuma leis plano de Versaillo,
N'en sieou persuada, seis buffet ben garni,
Es Tarascoun soulet qué leis oourié fourni
L'armado s'en sarié rembourrado la tripo;
N'ouurié fa qu'imita la cour doou rei Philipo.

Tout lou mounde counoui que dins leis Tuilaié
Si n'en mangeavo ouo pebre amai fouesso a l'aïé.
Toujour lou soucissot l'ero en première ligno;
Deis oouficier de bouco ero aqui la counsigno;
Lou colonel Rifeld, soun brave gouvernour,
De leis faire arriba n'avié l'insigne hounour.
N'en a jamai coumes un tranchioun dins Arle.
Doou fait qu'imprimi eici sieou segur quand n'en parle,
Et leis prince doou temps que courrien ouo dangier,
Su lou sol africain, à cent leguo d'Argier,
N'avien la prouvisien dins seis chèso de posto.
La veillo doou départ, lou préfet de Lacosto,

N'en coumetié ben vite un caissoun assourti
Que l'arrivavo à pouïn oou moumen de parti.
Et puis dins lou désert, prochi la Kabylio,
Mounté l'ardent bédouin oou fué si multiplio,
Millo trancho en siblet, espesso à soun degu,
S'ououfrissien de sei man à n'un premier vengu.
N'ero ensin dessu mar, de l'amiraou Joinvillo.
Doou temps qu'un pouen floutan li tenié lue de villo,
N'en fasié jamaï faouto à sei flambart fougous,
Tout l'équipagi en corps nen counouissié lou gous.
Leis souuçissot vengu doou lué de la TARASQUO,
L'an fa maï qué d'un coou supporta la bourrasquo.
NAPOULEOUN LOU GRAND, emperour dei Francès,
Lors de soun Counsulat n'en mangeavo à l'excès.
Dins lou temp qué degun poudié para sa boto
N'avié de longuo un bout dins sa griso capoto.
Qu souu?... Bessai deven leis exploits d'Austerlitz,
D'Iéna, Marengo, Wagram, Ulm, Rivoli,
A l'ardour qué prenié din aquelo pitaço,
Mete-vous dins l'esprit qu'uno talo substanço
Ooura dins toui leis temp d'illustre admiratour.
Fourtificio l'esprit deis grands littératour,
Georgi Sand et Méry, cresé qué si n'en privoun?
Louis Blanc, Géno-Suo, en meme temps qu'escrivoun
L'histoiro doou pays en formo de roman
Lou goustous aliment es dessouto sa man.
Et leis représentant, réputatien prechado,
Oourien bessai senso eou la linguo engavachado.
Thiers n'a tan dévoura qué li van desfendu
Vhui chez eou souto claou lou tenoun escoundu.
N'en servoun qu'un mouçeu ben prim après sa soupo;
Dien que sa bello mèro ello li va découpo.
Lou savent Michelet, quand dirigeavo un cours,
Per estre plus précis souvent l'avié recours.
Alexandro Dumas, home à puissant calibre,
N'en mangeo encaro maï que ce que fa de libre.
Barthelemy, Gozlan, Quinet, Victor Hugo,
En touteis seis repas n'en voueloun à gogo.
Jusquo Lola Montès, doou temps qu'éro princesso,
N'en rafoulavo tant qu'oourié fa de bassesso,
Se n'en avié manqua din seis déjuna fré.
Emilo Girardin trisso pas de l'estré,
Doou temps qué soun fourneau à l'ooufici s'allumo,
Dins un double bouyeou alimento sa plumo.
Lou gros Mimi Veron oourié pouu doou trépas
Se nen manquavo un jour din touteis seis repas.
Encaro citi pas cent aoutrei journalistos
Qué pourrien aou besoun multiplia meis listos.

Julos Favre, Guizot, Lamartino, Berryer,

Per n'englouti doou bouen restoun jamai darrier.
Et leis rouge Prouscrit, ben qu'an passa la Mancho,
Oou gra de seis desirs n'en savouroun leis trancho.
Felix-Pyat, qu'en Suisso assageoun d'abriva
Dins soun risen Chalet se n'es jamai priva
Oou citoyen Barbes dins sa prisoun ouscuro,
A Bello-Islo, un salur marsilhes, n'en proucuro
De Chambord, l'an passa, quand ero à Wiesbaden,
Si soou que n'en mettié deis fin souto la den.
Ce que, lou sooucissot n'a ges de politiquo;
Leis parti counfoundu li dounoun sa pratiquo;
Es toujours assura d'avé de partisan
Su la taoulo doou riche et doou simple artisan.
Despui la haouto classo et jusqu'à la mouyenno,
Es un fet connouissu qu'une talo hygieno
Recounforto lou couar per soun baïme parfe:
Oou système Raspail es d'accord tout à fe.
Car l'assesounament d'aquello nourrituro
Formo un préservatieou contro la pourrituro.
Aqueou que poou n'avè dins seis mendre festin
N'a jamais de mal-aise oou found deis intestin.
Se nouestreis médécins, célèbre homœopato,
Revieoudoun de malaou ooutan mouart que de pato,
Et s'outenoun souvent de grando guarisoun,
N'es que leis sooucissot que li dounoun resoun.
Lou besuquet que fougno à n'un beou coou de napo,
Que fugè jusqu'ou brut d'uno sartan que japo,
Quand siguesse transi, souffretous, degousta,
Prendra subitamen, tant leou n'avé tasta
Leis forços, l'appétit, l'embounpouint, l'energio.

Or dounc, per n'en fini su aquello mangio,
Proupiço à counsouma tant de jour que de nué,
Senso avé lou souci de prépara lou fué.
Direns eis amateur, coumpétent gastronomo,
Eis proudigue vivur coumo eis sobre economo,
Se voules estre gai, raramen soucious,
Agues toujours chez vaoutre aqueou met délicious
A n'un claveou pendu dins vouestreis bas-ooufici.
En prenen doou plus chier fares de bénéfici.
Surtout garda-vous ben de vouyé recerca
Un jaounastre bouyeou, gluant et bouen marca.
Per aqueou que sur taoulo aimo lou counfortable,
Lou médiocre doutous es jamais suppourtable.
Digne appréciatour qu'envegeas ce qu'es bouen,
Se voules de boueno aiguo anas eis bouenei fouen,
Et pénétra-vous ben, dessouto leis dous polo,
Que Tarascoun un jour ooura lou monopolo;
Doou gros et doou détail, et deis expéditien,
Sara lou pourvoyur deis gens de counditien!

© CIEL d'Oc – Mars 2005